

2017

RUANGMEI
(First Language)

Full Marks - 100

Pass Marks - 33

Time : Three Hours and *Fifteen Minutes

(Minute 15 hei Latthanv guay pah khang kaganv tii mbulou e)*

Thaylou khang :

1. *Latthanv che hei kalangv padeih A, B, C khatnic D twna khaklangc pat re.*
2. *Latthanv kaguayna zamh full marks nzat biak margin khou lyanlou e.*
3. *Latthanv kaguayna daw nina e.*

KALANGV-A

(LATCHYAM/PROSE)

1. **Kabangc khou tiiloumei latbamv hei kabamv dinena piakna hy o.**

(Explain, with reference, to the context:)

6×1=6

- a) Mi ravpuat khou rui duakpat khang khatnic ravzauc gay nuhmei thiak aseic nganv phungcpat ngam mak he. Hei zaeng rui mi ravpuat hei pumh khou tiguanglou mak khang swmei hei gay liangmei taanv akhat the.*

Hamh ethei

b) Kamei rui taanc kanmei guay tuang biuhmei kaphy kadam hyangryan tho ku tangh mak he.

2. **Kabangc khou tiilou bammei latthanv hei latkaeng 180-200 lungc khou daw o :** 6×1=6

a) Chumhzililung pouc ramrianraa lam khou hy o.

Hamh ethei

b) Guibamlynliu khang Kulanang kalung kapwm tiipatna nzian ngam kan makmei tabui zaeng rui cho ?

3. **Kabangc khou thanv bammei latthanv guay hei latkaeng 20-25 lungc khou daw o :** 2×5=10

a) Acquired Immune Deficiency Syndrome (AIDS) tw bammei hei tabui ta cho ?

b) Haengvmei ta gaek khang Government rui tabuibui taanv sinthaulou cho hy o.

c) Gaytowlung rui ramvkiak taleina zuanh khang sw pwki tabui zaeng kachailuc rui thingc bam tu cho ?

d) Universal Gravitation Theory rui maanseina khang tabui gaengmei tiilou cho ?

e) Naga Raj Movement lev Rani Gaidinliu tabui riang nai cho ?

4. **Kabangc khou tiilou bammei latthanv guay hei latrian akhat khou daw o :** 1×3=3

a) Miantiimei kiu tabui khey phunghmei kailuange cho ?

- b) 'Tazik chikhmei chaengluang khou kapy phanvduina karaana...'
Kapy phanvduina tazik chikhmei chaengluang khou tat bammei kiu thow cho ?
- c) Tabui sw tina Ozone Layer mpu khithkhit bam tu cho ?

(LUCHYAM/POETRY)

5. **Kabangc khou tiilou bammei latlangv hei kabamv dincna piakna hy o.**
(**Explain, with reference, to the context**) : 6×1=6

- a) Howgaymei nang lwn ta zauclou khang,
Lay lak ge ngam mak nang thei.

Hamh ethei

- b) Ney e Nang bamv khou luamlat nlohmei thiu khang ni.

6. **Kabangc khou thanv bammei latthanv hei latkaeng 180-200 lunge khou daw o :** 6×1=6

- a) 'R.K. Chingkhiuhlung theilayna lungcsiimeipui tuang rianraa tei hypat ro.

Hamh ethei

- b) Lubuanneic zaengsiina ginkhaamv swtat kan khou Meicriang tabui sw bam duc kan cho ?

7. **Kabangc khou tiiloumei latthanv guay hei latkaeng 20-25 dou piuna daw o :** 2×3=6

- a) "Nang nyng swmei nang lwn e"

Raengdaic tuang nyngthav swmei lam khou duina hy o.

- b) Hymeï Lanbon rui kalung chuangc thau pwni kumc bammei kiu tabui zaeng rui cho ?
- c) Hukhyamlaeng rui ningmei theilayna maanseina rui ryanraana lungc bammei hei tabui sw tina e saa bo ?

8. **Kabangc khou latthanv hei latrian akhat khou daw o :** 1×2=2

- a) 'Howgaymei kamv nang lev saa daa e'
Mi latrian khou 'nang' tw bammei hei thow ta cho ?
- b) Karamc changh karamc bam sihnic thow paan rui ramh gaymei laatow tw de twna Hukhyamlaeng rui saa cho ?

KALANGV-B

(PAHMEI/READING)

9. **Latdangv hei pac lana latthanv guay daw o:**

Kaganv akhat khou Carthage twna kawmei namv akhat khou Androkals twna kawmei banghpu akhat nai khwan e. Kakaipouc tei kathak sii langv tina kamei Africa kandic thangc paktat kan the. Kamei mi thangc tei tat lana khowlang akhat khou lungc the. Neihkhat khowlang lungc khou tei kamangchariangpu ta howna ping khwan the. Kumetihkic kamangchariangpu phaypav khou zamh nai lamei zaeng rui sucna nkhungh bam khwan e. Androkals tei pingpingna kamangpu daeng khou tei guang lana kaphaypav khou swn bammei daihmei sauc tei satpatlou the. Khoutei Androkals ta thuanckuna kamang tei kamai kazitna kabaanc tei nliakclou the.

Tingmik ramhbiuhdou tangv Androkals ta nymtow the. Kata Carthage namv khou phungcguang dat the. Kamei pak kakamhna khowlang khou dup tat kanmei ramkhuai khang tei rui kata charuangc mav khou zay guang the. Kata swluai tu kan khang kamangchariangpu ta phungc guang the. Kamang tei rui kata kahi sihnic kahilou zat mak khwan e. Mi phaanc tei kamai kazit lana kabaanc

khou nliakclou khwan e. Mi thiak tei howlouna guangh tei ngasak khwan the. Kumna Androkals pary tei chuna kata kuaklou the. Kamangchariangpu ta tei nic mpatlou dat kan the.

A. Lathanv guay hei latkaeng 20-25 lungc khou daw o: 2x5=10

- i) Tabui zaeng Androkals Africa kandic thangc paktat kan tu cho ?
- ii) Androkals rui kamangchariangpu ta ping bammei tabui zaeng cho ?
- iii) Androkals rui ariumei kamangchariangpu tei twkumhmei kamang cho ?
- iv) Carthage namv guangc rui Androkals khuay zaengrui tabui guairaek tii khang dinglou kan cho ?
- v) Cathagemei guangc ngaksak kanmei lam tabui cho ?

- B.**
- i) Latdaengv khourui 'kailuangc' twmei latkaeng kabac lev nchamcmei latkaeng phupat ro. 1
 - ii) 'Nchinna/lyanna' twmei achoumei latkaeng (antonym) latdangv khourui hypat ro. 1

10. Kabangc khou tiiloumei latdangv hei pac lana :

- a) Note kasiamh o. 5
- b) Note khoutei rui summary hy o. 3

Mbaanv damclou khou rui thauna aseic nganv maansei panty khou kalingmei ramneilaa laatow makna lungc bammei maansei aching-ching nai e. Tabui thangc rui guang tuang cho twmei tho maansei pumc kathuih khang baic the. Neihlaamei hei kapaengc tuang hamh e tihkic lungning khou rui patmei akhat re. Lungning neihlaa mak pwkhou ramh kaguayna howloumei guay nkamv ngam e. Kum e cho tihkic neihlaa pwkhou sii ravraamei pang ta sihnic gay khang zauclou ngam e. Mi hei rui dinhmei tho Ravguangc rui damcloumei tho siimei maek ge tihkic aniu ramzau theilay e tw tuang e. Ramh akhat ta zaengsiina zauc ethei mi tei zaengsiimei puat akhat sw e. Neihlaana zauc tithei neihlaamei puat sw e.

Bung ndaapc pwkhou lungh puamc katumc e. Mi hei khaengv ngammei pumtan maansei pumc khou rauguang tina e. Ndaapc bammei rui dinhmei tho ramh akhat bung tipadiklou khang nai e tw tuang e. Tari bammei hei nic dui rui tikimlou nuh e twna dui ta makumh tina e saa nuh e. Kum ethei lungning rui ndaapc bammei hei nic kalingna neihlaamei kiu kabamv akhat khou nai tina e twmei lyanlou e. Mi kalingna neihlaamei bamv kiu tho ringc bammei panty thouc taancna gaanv khat khou nkhuailou makmei twmei kiu e.

KALANGV-C

(HYMEI/WRITING)

11. Kabangc khou tiiloumei lam khou *akhat* piakna latkaeng 80-100 dou khou hypat ro : 6×1=6
- a) Nang rui howlou kanmei Baenglao Zaymei
- b) Theihkai tat khou rui laatowmei
12. a) Luangmai Bazar khou lunghmei Kabidim Paammei rui Tamenglong DC khou Luangmai Bazar chaeng nrum langvna gari geicna tat pwkhou phay tatmei guay kalw kalat dat nuh mak khe, chaeng tidaicpatlou o twna huaymei tatdyn akhat hy e. Mi tatdyn kiu hypat ro. 6

Hamh ethei

- b) The Dihchamv, Tamenglong tuang Nzangmei (Editor) khou twkumh ethei Saengrungc khou rui Tamenglong nganvmei chaeng hei tigay nuh pwni cho twmei nang chwn hyna tithaymei tatdyn akhat hy o. Nang zanc Huaineyguang Gangmei twna hylou o.

Hamh ethei

- c) Luangba Higher Secondary School tuang Principal khou mi school khou tei Ruanglat dinhmei sw khang nang tuang bio-data kapwm lev kazauhmei tatdyn akhat hy o. Nang zanc Gaykungam Kaamhmei twna hylou o.

13. a) "Tamenglong khatnic Ramvruanh Bamv" twmei lam khou 'Gaanphiu Chamv' khou ndauhpat khang article akhat latkaeng 100-150 lungc khou hypat ro. 8

Hamh ethei

- b) Kabangc khou tiiloumei latbamv hei tiiloumei Outlines sinswna Essay latkaeng 100-150 lungc khou hy o:

- i) Ruanglat

[**Outlines:** *Kahouhmei - Thau kanmei ganv, ntau khatnic guangni ganv khou - tigay thau nuhmei lwan- luailoumei*]

Hamh ethei

- ii) Ai Nungba Constituency tuang MLA sw khwan ethei

[**Outlines:** *Kahouhmei - Constituency khang tabui taanclou khang - Tamenglong khang tabui taanclou khang- luailoumei*]

KALANGV-D

(LATRIAK/GRAMMAR)

14. a) Khwandiu (Phoneme) twmei hei tabui ta cho ? 1
b) "Hymdaihmei" twmei latkaeng khou consonant azuh nai cho ? 1
15. a) "Adaeng khou gaanv tachat nap guang tulou e." 1
Mi latrian khou adjective latkaeng hypat ro. 1
b) "Mbaanv khou ntamv bam sihnic tingkauh thangc ariw dat kho." 1
Mi latrian khourui postposition latkaeng kapahna hypat ro. 1
c) "Kamei kalwn howgay e tihkic ringc saengh mak ge." 1
Mi latrian khou conjunction latkaeng twkumhmei cho dine o. 1

16. a) "Karamgai" twmei latkaeng khou hei 'root word' twkumhmei cho ? 1
 b) Nggaanh Bw khou Khristmas ngngay e.
 Mi latrian khou latkaeng hy laanhloumei nai e. Tichumhpatna latrian hysuakpat ro. 1
17. a) i) Tingzingc the,
 ii) Apui zip kan the.
 Mi latrian nei hei Alamvmei latrian (Complex Sentence) khou guanhpap ro. 1
 b) "Ai guang lak khe."
 Mi latrian hei tabui latrian cho? 1
18. **Tiiloumei latkaeng khourui nhoumei latpaa hypat ro:** 1×2=2
 a) Pui
 b) Tingpuk
19. **Tiiloumei latchap kabac tabui cho hypat ro:** 1×2=2
 a) Alaih nac kamang chaapat mak ge.
 b) Chaeng raan baa thing riu.
20. **Tiiloumei latthiap (Idiom) kabac dine o.** 1×2=2
 a) Baanzat patmei
 b) Guaih-bangh